

## ARTIKEL SURATKHABAR

Nama Suratkhobar : Utusan Malaysia (Segmen Laporan Khas)

Tarikh : Sabtu, 5 Oktober 2013

Mukasurat : 22



RAMLAH ADAM

### Perbanyak tulisan sejarah

*Utusan  
Malaysia  
Laporan  
Khas  
5/10/13  
nr 22*

SAMA ada suka atau tidak, fakta sebenar tentang Tugu Negara adalah ia kian dilupai oleh rakyat negara ini.

Cuba tanya berapa ramai pernah menjejakkan kaki akhir-akhir ini ke tugu yang dibina bagi mengenang jasa pahlawan negara itu?

Jawapannya pasti mengecewakan. Kenapa hal itu berlaku? Adakah rakyat sudah hilang semangat patriotik atau sekurang-kurangnya berterima kasih dengan mengenang jasa perwira negara?

Pengarah Pusat Kajian Institusi Raja Malaysia, Universiti Malaysia Perlis (UniMAP),

**Profesor Ramlah Adam** berkata, antara punca kepada keadaan itu kurangnya usaha mendokumentasi dan menyebarkan sejarah tugu tersebut kepada generasi baharu.

“Dokumentasi terhadap Tugu Negara harus diperbanyakkan. Masyarakat khususnya golongan muda harus tahu tujuan tugu tersebut dibina.

“Melihat lokasi tugu tersebut sekarang, kebanyakan pengunjung datang dari luar dan mereka sanggup datang ke Malaysia untuk melihat sendiri tugu tersebut.

“Itu adalah perbezaan ketara yang dapat dilihat cara orang luar menghargai jasa pejuang mereka berbanding kita,” katanya kepada S2.

Ramlah berkata, kekurangan maklumat menyebabkan ada pihak mempersoalkan sejarah tugu itu.